




衢謠徵實集卷三之一四

肅清詐偽之謠

五言古

孫枝蕤

市人有市心
蠅頭取奸偽
市法憑市官
龍斷察私智
燧皇去我久
無復曩古制
邪贏不可究
銜術日以恣
白金溷銅鉛
青錢敢乖異
公行于日中
誰爲



厲階始我 公痛懲之庶幾義爲利杜漸與防微
澆漓望醇粹爰懷義農初結繩可以治今賴秦鏡
懸詭詐亦安避樸茂幸共敦生涯守廛肆

王化

制錢本畫一私鑄紛紛出賤買而貴賣逐末何其
譎下櫻市口爭上累國寶室所射利幾何害莫可
窮詰我 公發其奸桁楊若斧鑕直令挾私者聞
風而股票

保庶

銀乃天地寶而以鑪冶造弄假竟成真不分白與
皂大賈且不識何況村中老到手方欣然轉手來
懊惱彼狡杳然去窮黎生莫保我 公究其根自
此風如掃

又

最厭五都市私錢間制錢新舊與厚薄買賣多紛
然我 公飭胥吏爲國疏流泉僞錢無入肆厲禁

持何堅良民不肖兌貪賈不敢縣五尺可適市清
風盈市塵

七言古

王予祿

古之市司評物價今之市法關風化贗以溷真私
溷公燃犀設鏡奸回怕銀惟尙白禁青黃錢必寶
泉懲欺詐鬪鬪囂塵一洗清邪羸有術利難射人
人正直比戶封良法豈居二代下

五言律

朱恒

白日行於市渾如黑夜中浚憑嚴 國法重得返
王風行使皆云便鑪錘不必工防微兼杜漸
奸宄盡消融

邵幹

市司今不設民偽易潛滋白鑷何多贖官錢爭用
私鬼工輪狡計人道賴堅持見晁消霾霧清明快

此時

七言律

周岡

海邦漫道總澆漓民性由來在轉移鑑朗一庭誰
敢詐犀燃百里物難欺錢除私鑄遵官鑄銀禁鉛
絲重細絲入市兒童俱便益風如太古事堪奇

方震

海邦詐偽久橫行一自公來遂肅清剔蠹吏愁

霜下立持平人畏鏡中行冰心永杜苞苴入犀燭
能教鬼魅驚今日蒼生安堵處皆因秉政是神明

陳鼎升

吏治惟期正俗先我公正俗有微權章程畫一
清淆雜令甲森嚴肅市塵去偽存真人復古哀多
益寡道無偏陳詩太史徵謳誦闐闐風醇入管絃

保弘猷

一動貪心機智精青錢白鏹射奇贏世風日下人

多僞古道誰敦法幾行一日摘奸民俗變十年著
令利源清他時使節來觀政闔闔羔豚鮮飾情

曹逢辰

五都之市日紛紛狐蜮行踪共幾羣魚目炫來誰
及辨蠅頭剝去不堪聞司平寧受何樓恨執法能
令比戶忻莫道此風無甚要存真黜僞戴神君

黃天植

日中爲市那容欺何意邪羸弄術奇白蠟亂真天

寶失青蚨改薄

國權移須防五馬臨闔闔更設

三章飭市司太史采風風近古民情坦直不相疑

四言頌

黃之孝

市多飾價巧取以欺自公立法利用乃宜銀糾
乎假錢禁其私民無懷詐古處可期

王之驥

盛朝財用私僞必除公嚴司市樸實如初人心

可古風俗可書

五言截句

姜允迪

白鏹雜以銅銅錢復多假人心良足悲太息抽籤
打

七言截句

張天翼

紛紛市獍術通神貿易多奸假亂真自我
公來

懲創肅青蚨赤仄始堪珍

黃朝興

榆筴風飄糊紙輕綫環欲混五銖行自從嚴令芟
除盡園府泉流處處清

鄒琦

共苦金錢利用艱一朝嚴令靖民奸俗還淳朴庭
無事臥閣花深對白鵬

王予導

白鏹青蚨利用多恣行詐僞轉成魔澄清有志爲
之兆不是沾沾立法苛

黃天相

錢分厚薄奸難靖銀別高低僞易行今日市司憑
五馬物華天寶自分明

戴縉

作弊滋奸鬼蜮紛防微杜漸仰 神君五都市上
俱平坦許子無欺不足云

王治

銀鑛銅山造化存公私真贗不堪論如今五尺俱
無礙奸詐難容列市門

夫飲羊詐市奸僞亦甚么麼而不容于大聖
人之爲宰抑獨何哉誠恐一人奸則人人可
奸一事僞則事事可僞從來江河之決莫不
始于濫觴也故聖人必痛懲之以杜其漸而
絕其萌矧曰金也而銅參之 制錢也而私

亂之風俗人心之壞此非其一端歟我

公毅然更始不許闖闖中兌換潮銀偽錢有犯
則治以法由是市風丕變三尺難欺上以遵
國典下以飭輿情所禁者一二事而可推之事
事所刑者一二人而可做夫人人此固有識
者所以窺見其微而稱道弗置也其烏可以
無傳

書寓學人邵 幹謹跋

衢謠徵實集卷三之五

整飭市風之謠

雜言古

楊字奇

行有斛大于店之斗店有升小於家之斗小戶買
一升僅得合之九中戶買一斗九升一合何曾有
例相沿俗相沿此風行之爲已久從前使君縱神

明大綱修舉細者否獨有孔邇 周青天區區釜
庾察弊藪又恐懸斷不足憑大小驗之家人手斗
米欺官得實情黃堂正法魂驚走曉諭明從前積
弊不可狃火印頒四境以內知所守今以後斗應
斛升應斗小戶買一升一升滿足沾恩厚中戶買
一斗一斗增加足以養一口大矣哉善政善教如
天之覆無不有微矣哉豆區釜鐘如衡之平無或
苟君不見謹權量周王新政爲之首師其遺意惟

我 公整齊畫一除奸陡匪徒近日樂公平傳之
百世將不朽吾儕小人何以報 公恩但願福東
海壽南山歲歲長飲瑤池酒

五言律

張永吉

革弊何曾漏持平莫或欺無煩生計較自不失便
宜升斗十分準東西兩路知市廛頒印烙坦白總
如斯

王予導

出入憑增減東西半異同細民難與抗大賈自爲
雄積弊加明察嚴規去晦矇燧人雖已遠還是日
之中

邵幹

王政謹權量屢居忒減增邪羸惟苟取斗石竟難
憑畫一章程設均平化理登豈徒矜察察智慧有
明燈

七言律

成弘綸

量權本自王朝謹頑賈偏於升斗欺出入兩般誰
個辨盈虧一弊我公知不容牙僧侵漁巧惟使
平民糶糶宜天下幸從分肉決金甌枚卜復何疑
保弘猷

謹量由來天下同如何崇水別西東均平糶糶難
欺隱增減官私易變通印烙特頒爭訟寡撮圭無

自實集 卷三 三
失貿遷公行看市上除奸狡畫一依稀太古風

黃天植

升斗均平處處同省將大小問西東分明印烙真
難換畫一厘規轉易從不是好勞多察察無非還
樸漸融融晨炊小戶青錢給糴米何妨五尺童

蔣學程

量升較斗少參差五尺兒童莫或欺市義成風原
不惡政平似水盡如斯攜筐箇箇傾筐笑枵腹人

人鼓腹嬉累黍所爭些子事日中市擬燧皇時

李逢春

關石從來制度多莫云權量是么麼惟懲狙獪奸
難用但革參差法豈苛政化入微期畫一治風端
本在調和貧家斗米爲生事縱費衾襦亦笑歌

朱恒

貧民日糴理晨炊較斗量升暗受虧豈謂么麼除
舊弊能教闔閭矢無欺天懷平似不波水市法

昭于分列眉印烙家家堪取信猜疑盡釋正相宜
四言頌

黃之孝

市法未嚴民恣貪劣斗斛必均店行無別自 公
權衡出入一轍涓勺之增民酣舖販

王之驥

國中無偽猗與古風豆區鐘釜遠近皆同 夫子
之政萬世可衷

五言截句

姜允廸

一升少一勺一簞少一匕 公今較量平遠近咸

權喜

七言截句

張天翼

豆區大小任民淆出入東西兩樣交自我 公來
頒印烙不差累黍靖紛殺

盧自呂

逐末奸生偽亂真參差斗斛溷金銀光風霽月明
於鏡更有清霜掃俗塵

鄒琦

市情自昔苦囂然升斗參差積弊沿新令乍頒風
丕變難欺五尺事堪傳

李寤周

先王累黍起黃鐘庾釜何曾有異同縱使頑民工

逐末肯容斛面別西東

從來律度量衡帝巡是謹和鈞關石王府攸
藏爰以立國維便民用也我通店之斗十不
滿行斛之四小戶糴米晨炊每升又減數勺
而且東西兩路彼此不齊此何爲者耶不過
參差其制以博蠅頭耳不知價值之多寡零
與蔓已不同矣而又大者入小者出射利愈
工則受虧愈甚人亦久相忘之而我

公見及于此則怫然不悅因酌為畫一之令使
 不得上下其手以便于作奸昔子輿夫子曰
 君子平其政昌黎韓氏曰物不得其平則鳴
 今升斗之數可謂平矣而宰天下亦如是肉
 皆自此推之區區銳事云乎爰錄其頌言如
 干首不敢略也

書寓學人邵

幹謹跋

衢謠徵實集卷三之六

禁止靡費之謠

五言古

姚 鄩

令節固足娛遮奢亦堪耻履絲曳縞流因而驕鄉
 里畫舫天上移歌姬鏡中倚醉呼龍舟來賞賜輕
 羅綺舉國乃若狂效尤無日已錙銖委泥沙通人

真誤矣我 公禁止之實作中流砥蒲酒對榴花
靜趣咸欣喜

又

更有波靡甚上元燒華燈梵宮與道院火樹幾千
層小人尤鬧炒借此相憑凌百十爲一黨裝扮鮮
不能或爲采茶女或爲戲尼僧沿門索賞賜猛勢
如飛騰一言觸其怒叫罵誰敢應惜哉佳節序容
此凶暴乘我 公禁止之犯者法以懲碧天湧明

月翛然夜氣澄

七言古

丁人俊

金吾不禁慶昇平踏歌五夜饒懽情鰲山陸海遍
城市無賴之子因縱橫所謂靡費亦無幾鼠牙雀
角育底止霽月高懸大地燈九衢千陌冰壺裏

保 疆

揚州自古繁華地十邑尤覺通爲最入境觀風每

慨然此邦之人何太費有客重來八月天相邀攬
勝五峰巔勒馬脚躪頻詫異風景不似十年前農
勤耕耘士勤讀牧笛書聲時斷續相逢無復佚遊
人翕然丕變何神速感君殷勤問俗淳爲君一一
述其真憶昔使君車未到風俗奢靡那可道負
郭緣封數萬家雕文鏤刻爭奇巧繡襦貂冠服不
衷里兒狐裘儼王公貝鈿瓊釵珠錯落翠翹金鳳
玉玲瓏古來婚姻重納采邇日親迎風氣改炬火

輝煌耀市廛星球綵仗霏烟靄誰甘喪墓薄其親
彩旒丹旌難效顰成禮未能棺不舉麥舟兀自望
今人巍巍甲第連雲漢複閣重樓美輪奐龍勺雞
羹兒上陳一器千金計無算開尊極力逞豪華珍
錯盈前異味奢聞道鸚鵡會貰酒春衣典盡不吝
嗟紛紛絲竹亂人耳花朝月夕常如此清歌妙舞
蕩金錢每逢佳節更靡然元宵挈伴踏燈忙午日
龍舟舉國狂火樹霄連徵豔曲蘭橈雲集露紅粧

自來清廉 賢太守止飲通民水一口還將此意
勸通民裁抑囂風計長久賽會迎神功令森龍舟
燈市兩沉沉虛靡是事皆嚴禁但能儉用無貪心
屈指十年端教化耕三耕九多餘稼卽今秋稅省
追呼富國富民民自暇白狼山下稻梁肥笑看簞
車緩緩歸鄉國不殊風景異潛移默化人人微客
聞予言增惆悵去奢恐易生誹謗誰知此日共權
歌且將儉德師民上通民何幸得 公來俗易風

移宰相才安得調羹任鼎鼐儘教天下澆風俱挽
回

五言律

徐方

令節雖堪賞華靡未足多不如畱物力早自免催
科火樹光無益龍舟鬧爲何曹叅清靜福較此莫
相過

吳延斌

奢乃琅之俗良辰費更浮傾囊燃火樹破產戲龍
舟雀角從茲起熊軒一意勾天時人事合民食有
年秋

邵 幹

令節隨人事防微飭土風如何一朝樂竟使半囊
空水歇龍舟影燈無火樹紅與民師儉德受益實
難窮

朱名世

小子童心在嬉遊不復癡踏燈餘皓月競渡失佳
期頗識防維善相安靜肅宜無從想鴻鵠咕嗶自
孜孜

七言律

周 剛

華靡自古說邗城俗染崇川亦侈盈不惜懸書嚴
禁令倏教真朴易風情龍舟泊岸蒲堪泛火樹停
燈月可行節省未嘗無至樂 使君雅素見生平

方震

奢華成習重公憂力挽頽波慶有秋下令只聞先
節儉採風常與戒浮游豪家亟罷珊瑚帳貴客難
安翡翠裘鄰境聞風知改轍還淳返樸賴君侯

陳鼎升

國奢示儉古良箴通俗波靡錮蔽澁不有賢侯
懸令甲安能蕩子惜兼金露臺省費中人產佳節
還聽宓子琴况復樛蒲荒正業惡民所惡得民心

王子導

由來節嗇益無窮枉擲金錢暴殄中五夜星橋咸
賭勝端陽畫舫各爭雄懽娛究竟成蕭瑟歛約何
曾類苦空步月泛蒲閒雅甚我將示儉美周公

崔永譽

衮衣赤鳥本家風今美嗣徽儉德隆午節龍舟誰
競渡元宵火樹不成叢花淡臥閣家家靜麥秀行
歌處處同報效還期推第一泥金印篆紫霞蒙

保弘猷

繁華自古說揚州貧瘠如通也佚遊競渡笙簫喧
水面燒燈烟火徹雲頭今宵有酒誰知節明日無
炊不解愁賴有端嚴 周太守力崇儉約爲民謀

黃天植

令節懽娛亦世情無如豪舉極縱橫燒殘火樹千
枝燭闌盡龍舟兩箇城儉用豈惟饒物力防微并
以杜紛爭月堪醉踏蒲堪泛 太守風流雅致清

李逢春

佳節酣歌驗太平太康有戒亦分明六街火樹中
人產五日龍舟萬畝耕守約不妨安儉德安居何
自起喧爭醉翁縱道風流宰無過清游間一行

朱恒

但願人俱儉是師何妨樸遯日安之六街月色閒
堪步千朶榴花醉可怡火樹連宵空自費龍舟競
渡總無奇息爭節用恩深遠樂與民同卽在茲

顧鵬翼

佳節雖云自古傳誰教靡費竟年年元宵有路皆
香輦午日無溪不畫船炫服半從交謫得酣歌誰
問賦期愆令行禁止民俱朴太古風存狠五邊

四言頌

黃之孝

世俗浮華蜉蝣典刺 公禁奢遮民無恣肆燈市
歛光龍舟臥地儉則多財實 公之賜

王之驥

儉可藏富 公以身先龍舟泊岸火樹無烟類舉
一一事事皆然

五言截句

姜允迪

還將買夜金畱以完國課薄酌看月行勝似雨中

坐

又

行實集 卷三 五
上年划龍船舉國若狂者今年 公禁之省事實
多也

六言截句

成弘綸

若爲典燈結債何年子母清還陸海渾如苦海鰲

山不啻水山一自我 公厲禁編氓日日開顏

七言截句

顧藻

元夕張燈午節舟呼盧博簞更堪憂浮華抑止姦
頑杜力挽頽靡砥末流

張天翼

天生財物濟民貧浪費金錢事可嗔自我 公來
多搏節龍舟火樹盡泯泯

黃朝興

五夜沉沉無火樹端陽寂寂罷龍舟太平景象歸
醇朴不許金貂換酒籌

王化

家家欲上吊原船只恐篙師不受錢最是快人心
意處畫船閒住大河邊

一

崇川習俗最奢華爲看龍船不顧家記得往年綉
緞舖廣紗賣盡賣蘇紗

二

東家姑約西家婦添得家家徧講聲今日却叨官

長惠蒲觴泛處耳根清

四

更有城中無藉徒劈空波浪不勝誅龍船兩字難
提起一派鷹鷂化鷓鴣

鄒琦

羣情遊宴誤生涯歌舞懽娛不顧家軫念民財容
易盡閭閻不許鬪繁華

盧自呂

燈市龍舟侈勝游流連無度總堪憂自
公示儉
風還樸砥柱狂瀾不下流

湯之佐

龍舟燈市鬪繁華禁革惟期費不奢儉德可師民
漸樸河陽花柳不須誇

蔣學彥

龍舟火樹競繁華產費中人過十家
太守風流
還儉約不容暴餐委泥沙

黃天相

相安無事最堪欣火樹龍舟起亂氛禁約人情雖
不近弦歌靜裏更細縵

釋湛鵬

每值佳辰不敢譁豐盈仍自守生涯燒燈競渡俱
無益朴遯成風更足嘉

又

好事惟通最喜奢斗香臺把半天遮近來不見璿

霄殿倍覺端嚴政可誇

夫時詘舉羸見譏左國而不經之賈則有不繼之憂老子一生妙用得力全在于嗇嗇非吝之謂也卽煉氣煉精作元門教主亦不外是若治生而不知所以嗇可乎哉我通地瘠民貧尤稱好事種種奢侈枚舉甚多卽如元宵燈市則三五成羣沿門索賞而富家子弟復痛飲狂歌以爲豪舉去歲仲夏苦旱大魁

樓下與千佛寺傍水無數尺而三隻龍舟撐篙乃進何從而圍之者輒以千百計也此二端者用財無算設以依限完課何快如之我公痛恨此風特爲禁止昧于治體之人且謂非風流太守不近人情而不知嗇以養財爲小民節此以庶幾乎三九之餘非小事也至若斗香臺閣年例戲文亦有節制寓乎其中幾幾小補奚足以云愚願采厥頌聲爲通人針

石若僅以榆揚善政不猶偏乎

書寓學人邵 幹謹跋

衢謠徵實集卷二之七

力杜刁頑之謠

五言古

湯琦

佳氣來五山淳風盈道路崇川非武城絃歌日以
布十載仰神明奸頑革其素城狐旣潛踪社鼠不
須捕息訟以安民無愁猛虎步堂上凜冰霜堂下

誰敢忤

七言古

徐 敷

惡棍羣聚爭尚力顏色稍輕拳相逼豪強更有放
錢人圖占妻孥真叵測我公法立罰難寬歲終

巡行處處安而今頑梗感且化相逢市上氣總下

雜言古

易爲蕃

君不見市中狡獪猛如虎又不見有角之雀有牙
鼠生吞活剝不忍看秦鏡懸來總消阻光風霽月
徹熊軒鬼蜮肺腸一一吐一一吐靜海之風可以

古

成弘綸

市上有虎三三五五誰復捋其鬚張牙露爪舞輕
則搏重則噬見者聞者面如土憑吊古人安得周
處自有我公來囹圄以爲阱桁楊不啻弩虎兮

虎兮化爲鼠

五言律

袁 晟

欲治民非古威同惠並敷秋霜寒社鼠明鏡肅妖
狐人邑鬪聲息聞風越訴無令行民自便定國頌
何殊

姜祖望

江北淮揚郡親民第一官雨隨琴鶴潤風厲斗牛

寒父是南陽名神子西夏韓刁頑皆膽戰大地盡
生歡

朱 恒

忿爭揮毒手健訟恣刁誣平地波何險 公庭法
必誅養禾先斬莠芟棘始成途近日崇川境奸回
迹已無

邵 幹

城狐惟喙息市虎問憑凌橫暴無寬宥奸回有痛

懲肅持三尺劍清映一壺冰讓畔風期古何須羨
結繩

七言律

周 岡

嘉禾宜植莠宜刑寬猛兼施政最難夏日威行陰
却滿春風惠普法誰干名高破柱千秋繼望肅泥
樓百里看
丹陛溫綸應指日丰裁不羨豸爲
冠

方 震

荆榛掃盡變芝蘭異績神功不等閒慈藹居心民
若子公平執法案如山玉壺瑩徹昭奸宄鉗網寬
除化梗頑童叟歌謠何足貴賢聲早動掖垣班

陳鼎升

俗美風清 太守能其如巨猾間相仍刁風易長
防其漸頑梗難馴重以懲扶弱心如保赤子鋤強
力欲逐蒼鷹宛然蕩蕩平平世耕鑿雍熙得未曾

保弘猷

阿父尊嚴阿母慈惟 公一已實兼之持平不使
強凌弱折獄能將理屈辭市虎嘯風三舍避城狐
伏穴五更疑自新有路期爲善凜凜霜威草木知
吳延斌

民性何曾異古今祇緣頑梗日悖淫吉玃俠骨誰
容假聶政雄心不自禁斬蔓鞭蒲無峻法愛苗鋤
莠有良箴水濡火烈歸慈母肺石高懸鶴伴琴

黃天植

老拳毒手恣欺凌舌劍詞鋒更沸騰若使敗羣常
自得誰爲司牧竟難憑鋤奸法比秋霜肅燭隱明
同旭日升四境帖然人不競風移俗易盡堪稱

周芹

我公刑罰合中和但遇刁頑便欲苛不識尾狐
曾有幾相看首鼠亦何多五花常定南山案三木
能恬東海波罔恤愚民心膽破一家啼哭萬家歌

李旭

案頭三尺肅秋霜，刁悍從茲屏息藏。堂靜止聞琴

韻好，歲寒無惜馬蹄忙。

公于年終
單騎巡市

生憎鏡害浮詞

橫痛革林連弱子，康良懦懼然眉放。處觀青披霧

任徜徉

孫鏜

崇州風氣漸淳和，間有頑民未濯磨。雀角鼠牙工

射影，老拳毒手奮操戈。難逃洞鑒神明宰，敢亂鋤

奸法律科良懦，從茲高枕臥坦途。無憾蒺藜多

張睿

仁聲疊疊播江濱，稂莠須鋤法必伸。誰敢恃強欺

弱肉，不容健訟起氛塵。清風自合山川秀，雅化常

敷草木春。獨愧布衣才技少，素心願作葛天民。

四言頌

黃之孝

民遠上世順則良，難公雖德化嚴以緝奸。高懸秦

鏡城狐膽寒聚爭者息受害者安

王之驥

奸頑猖獗良懦難安惟公鐵面望者心寒春溫

秋肅猛以濟寬

李于澹

民之無良不醉而狂狐假半世狼藉一方分符十
載約法三章彼也膽破此也魂戕戶多安枕公
賜之康

五言截句

姜允迪

打降拳沒眼鑿告舌作鋒峻刑安良懦不若乃不
逢

七言截句

張天翼

鼠牙雀角逞刁風况有扛幫復逞雄自我公來
多戢影良民安穩託幘幪

鄒琦

息爭平訟愛民深
頑梗于今盡革心
退食從容惟臥理
一簾風月鼓清琴

王予導

鋤頑化梗漸雍熙
草上之風在轉移
太史輜軒何日至
治平應報九閭知

王予祿

年終封印憇衙齋
五馬衝寒復六街
正恐追逋相

鬪狠恍將赤子置
諸懷

又

雀穿屋舍鼠穿墉
秦鏡懸來盡絕蹤
近日琴堂無箇事
閒看鶴伴幾株松

湯璠

狐鼠由來肆弄奸
法嚴斧鉞不容寬
自懸秦鏡銷羣孽
豈獨秋霜吏膽寒

邵昂

維挽囂風法律嚴鯨波平地得安恬良苗茂育無
根莠處處田疇雨露霑

萬民頌

通民小忿不能平有力常如猛虎行一自仁天打
降禁家家樂業不相爭

又

使民無頌非容易 公獨大畏民之志輪心共舉
和息牌出門便可耕田地

酬賭繼以打降打降加以誣告四民
爲厲階我

公持三尺法以懲刁風能使戾氣日銷
熄士詩書而農畝畝悉

公所貽也從來稱賢有司曰福星豈必膏澤之
施家給人足而後快哉但能靖民之爭使之
相安于無事則受益正自多矣彼陰享其福
者誠不能以無言而幹獲臚列簡編洵爲快

事云

書寓學人邵 幹謹跋

衢謠徵實集卷二之八

痛懲浮浪之謠

五言律

徐方

終日呼盧者還存生計無塞源弭盜賊嚴法禁頑
愚驅以歸常業因之遠畏途饑寒誰復慮恩澤暗
中敷

通成美

民生俱有賴胥溺在呼盧聚族坑良懦輕財委路
衢頽波方日下浮浪自今驅除却紛紛者人皆免
賤汙

王予導

救民同陷阱投具可澄江法以囊頭肅奸因歛迹
降貿遷歸市肆帖啤守書牕樂業惟常業豐亨數
大邦

王予祿

五白頻頻喚資生失業多 公庭嚴法令民事免
蹉跎是處皆雲稼無時不錦梭小人安樂利食德
有絃歌

孫鏜

不知何所樂廢業日呼盧肅此秋霜令全其壯歲
軀金錢渾易去耕讀豈難圖嚴父亦慈母非關在
意誅

邵幹

百萬輸何易饑寒忍正難
淡知嚴父法焉肯縱兒
寬但望能投具寧須競逐
丸明刑期改過憐爾暗
辛酸

七言律

王予維

慈父難容不肖兒
狹場驅賭杖相隨
蒙公不減家人愛
懲衆常將國法持
創業艱辛應猛省
落坑

容易惜無知保全世澤稱能守
感動泉臺也淚垂

保弘猷

五申三令費精神
閭里猶多失業人
縱是游閑姑試手
難云坑塹好藏身
刑餘已覺貽親辱
金盡將來與盜鄰
兩字叮嚀耕共讀
無辜德教急圖新

黃天植

創業艱難屋產遺
却來窩賭受欺詒
呼盧燭下雙眸倦
寫券樽前一股移
縱道乘除關氣運
可容奸

狡得便宜盡行柳責平橋市警衆還教箇箇知

朱恒

牧猪兒戲送終身痛革游民作四民但使閭閻無
失業何愁勤儉有長貧黜浮立法偏宜酷警情為
心却甚真坐視不才非父母戴公寧異戴天親

四言頌

黃之孝

自古淳良惟耕惟讀游手可嗟呼盧是逐
八公禁

賭風首告必鞠里巷息爭民乃式穀

王之驥

賭則生竊竊則罹刑我公蒞政首致叮嚀自茲

游手言法行經

五言截句

姜允迪

藉口比劉毅空將百萬輸弭盜盜源塞四民安正

途

七言截句

張天翼

羣居博奕盡游民失業荒時立刻貧自我
公來懲敗類賭盤窩局日生塵

陳世景

一擲百萬稱豪舉古人奇氣借此吐世無劉毅亦
無錢懲爾齷齪何須賭

鄒琦

澆風遠近好呼盧轉眼金錢乍有無此日琴堂懸
峻罰翻然共滌舊時汗

孫滙

四民之外有游民局賭如坑富者貧嚴禁悉成佳
子弟愚慈姑息笑雙親

張坤

游狹場中不可居千回縱博腹空虛自從柳責平
橋後盡怖霜威惡草除

釋湛鵬

浪子人人說短長開莊蕩廢祖遺莊落坑墮塹俱
無畏只怕平橋獨桌方

又

油辣難逃法網張四民不入郡侯堂天心喜怒無
偏向根莠何如五穀良

昔人以博具爲牧豬之戲而投之于江且有
指爲落坑爲墮塹者尤凜凜乎其言之蓋自

賭局一設可以壞人心術破人身家誠盜賊
之源弑奪之本也試思家有嚴親肯姑息子
弟聽其入于火坑糞厠中而不之禁乎我

公爲一州之嚴親而心旣無異法又得行于凡
有首告者必詳審真僞而枷責之使受者魂
飛不敢復蹈前轍觀者膽落因而相戒覆車
守祖父之遺而不至于敗習正經之務而可
濟其窮罰一懲百所裨益於民者良深能無

形之謳祝以志弗諼幹因采輯篇章表彰風
教誰謂火烈之訓不足接踵于國僑也

書寓學人邵 幹謹跋

